



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

17.09.2021թ.

Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
թիվ ՍՑ-ԼՕ-2021/209

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

Պատվիրատու՝ «Կարեն Դեմիրճյանի անվան Երևանի մետրոպոլիտեն» ՓԲԸ  
Մասնակից՝ «Էկոմիքս» ՍՊԸ

Գնման ընթացակարգի ծածկագիրը և առարկան՝  
«ԵՄ-ԳՀԱՊՁԲ-21/101» ծածկագրով գնանշման հարցման ընթացակարգ,  
ապրանքների ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ քննող  
անձ), ուսումնասիրելով Հայաստանի Հանրապետության ֆինանսների նախարարության  
կողմից 17.08.2021թ.-ի թիվ 26/26-1/13087-2021 գրությամբ «Էկոմիքս» ՍՊԸ-ին (այսուհետ  
նաև՝ Մասնակից) գնումների գործընթացին մասնակցելու իրավունք չունեցող մասնակիցների  
ցուցակում ներառելու նպատակով նախաձեռնված ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը.

ՀՀ ֆինանսների նախարարությունը, «Կարեն Դեմիրճյանի անվան Երևանի մետրոպոլիտեն» ՓԲԸ-ի 10.08.2021թ. թիվ 30/02-28-560 գրության հիման վրա, 17.08.2021թ.-ին «Էկոմիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքերը:

Բողոքներ քննող անձին (Գ. Ներսիսյանին) գործը մակագրվել է 17.08.2021թ.-ին:

Հիմք ընդունելով ՀՀ ֆինանսների նախարարի 25.08.2021թ.-ի թիվ 450-Ա Բողոքներ քննող անձ՝ Գ. Ներսիսյանին 2020-2021թ.-երի աշխատանքային տարվա ամենամյա արձակուրդ տրամադրելու մասին հրամանը, ընթացակարգի քննությունը 06.09.2021թ.-ին փոխանցվել է Բողոքներ քննող անձ Լ. Օհանյանին:

07.09.2021թ.-ին [www.gnumner.am](http://www.gnumner.am) կայքում հրապարակված հայտարարությամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ և տրվել է թիվ ՍՑ-ԼՕ-2021/209 համարի ծածկագիրը:

15.09.2021թ.-ին և 17.09.2021թ.-ին նշանակվել և հրավիրվել են նիստեր:

Գործի քննությունն ավարտվել է 15.09.2021թ.-ին և Բողոքներ քննող անձի որոշման հրապարակման օր է նշանակվել 17.09.2021թ.-ին:

## **2. «Կարեն Դեմիրճյանի անվան Երևանի մետրոպոլիտեն» ՓԲԸ-ի ներկայացրած փաստերը և դիրքորոշումը.**

«Կարեն Դեմիրճյանի անվան Երևանի մետրոպոլիտեն» ՓԲԸ-ն 10.08.2021թ. թիվ 30/02-28-560 գրությամբ դիմել է ՀՀ ֆինանսների նախարարությանը՝ հայտնելով հետևյալը.

*«Հայտնում եմ, որ 2021թ.-ի հուլիսի 28-ին, ՀՀ, ք. Երևան, Մարշալ Բաղրամյան 78 հասցեում գտնվող «Կարեն Դեմիրճյանի անվան Երևանի մետրոպոլիտեն» ՓԲԸ-ի շենքում ժամը 12:30-ին տեղի է ունեցել ապրանքների ձեռքբերման ԵՄ-ԳՀԱՊՁԲ-21/101 ծածկագրով գնման ընթացակարգի գնահատող հանձնաժողովի հայտերի բացման և գնահատման նիստը:*

*«Էկոմիքս» ՍՊԸ-ի (ՀՎՀՀ՝ 01255701, Հեռ.՝ +(374)98-360-326, էլ. հասցե՝ tenders@360shinbaza.am) կողմից հայտով ներկայացված փաստաթղթերի գնահատման արդյունքում գնահատող հանձնաժողովի կողմից արձանագրվել են անհամապատասխանություններ հրավերի պահանջների նկատմամբ, մասնավորապես՝*

Հավելված 1.1-ով ներկայացված չէր մասնակցի կողմից առաջարկվող ապրանքների ֆիրմային անվանման և մակնիշի վերաբերյալ տեղեկատվությունը, Հավելված 1.1-ով 19-րդ չափաբաժնի մասով ներկայացված գնման առարկայի տեխնիկական բնութագրում քաշը նշված էր և՛ 450 գրամ և՛ 560 գրամ, ինչը հարկավոր էր հստակեցնել:

Գնահատող հանձնաժողովը որոշեց նիստը կասեցնել մեկ աշխատանքային օրով և 03.08.2021թ.-ին համակարգի միջոցով ծանուցմամբ «Էկոմիքս» ՍՊԸ-ին առաջարկել մեկ աշխատանքային օրվա ընթացքում շտապ արձանագրված անհամապատասխանությունները՝ հիմք ընդունելով ՀՀ կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ Կարգ) 41-րդ կետով սահմանված պահանջները:

Գնահատող հանձնաժողովը արձանագրել է, որ «Էկոմիքս» ՍՊԸ-ի կողմից գնման ընթացակարգի հրավերում նշված էլեկտրոնային հասցեին սահմանված ժամկետում ներկայացվել է Հավելված 1.1-ի նոր տարբերակը, սակայն արձանագրվել են հետևյալ անհամապատասխանությունները՝ դարձյալ չի ներկայացվել մասնակցի կողմից առաջարկվող ապրանքների ֆիրմային անվանումների և մակնիշների վերաբերյալ տեղեկատվությունը՝ այսինքն չի հասկացվել ինչ մոդելի ապրանք է առաջարկում մասնակիցը, ինչպես նաև 19-րդ չափաբաժնով սահմանված գնման առարկայի տեխնիկական բնութագրում քաշը նշված է 560 գրամ, մինչդեռ հրավերով պահանջվել էր 450 գրամ:

Վերոգրյալով պայմանավորված՝ գնահատող հանձնաժողովը որոշեց «Էկոմիքս» ՍՊԸ-ի հայտը գնահատել անբավարար և մերժել՝ հիմք ընդունելով «Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի «ա» պարբերությամբ սահմանված պահանջները:

Համաձայն Կարգի 45-րդ կետով սահմանված պահանջների՝ «Էկոմիքս» ՍՊԸ-ի տվյալները՝ համապատասխան հիմքերով, գրավոր ուղարկում ենք Ձեզ՝ վերջինիս գնումների գործընթացին մասնակցելու հրավումք չունեցող մասնակիցների ցուցակում ներառելու ընթացակարգ սկսելու նպատակով:

Միաժամանակ հայտնում ենք, որ սույն գնման ընթացակարգի շրջանակներում ձեռք բերվող գնման առարկաները ներառված են հաստատված գնումների պլանում և հրապարակված են տեղեկագրում:»:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել է «ԵՄ-ԳՀԱՊՁԲ-21/101» ծածկագրով հայտարարված գնման ընթացակարգի շրջանակներում «Էկոմիքս» ՍՊԸ-ի տվյալները՝ համապատասխան հիմքերով:

### **3. «Էկոմիքս» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 18.08.2021թ.-ի գրությամբ դիմել է «Էկոմիքս» ՍՊԸ-ին՝ հնարավորություն տալով ՀՀ ֆինանսների նախարարության կողմից 17.08.2021թ.-ի թիվ 26/26-1/13087-2021 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը, ստանալով կարծիք հայտնելու վերաբերյալ գրությունը, ինչպես նաև ծանուցված լինելով հրավիրված նիստերի տեղի, օրվա և ժամի մասին, չի ներկայացել հրավիրված նիստերին:

Մասնակիցը 28.08.2021թ.-ին ներկայացրած գրավոր դիրքորոշմամբ հայտնել է հետևյալը.

*«Հայտնում եմ, որ «Էկոմիքս» ՍՊ ընկերությունը բազմիցս մասնակցել է «Կարեն Դեմիրճյանի անվան Երևանի մեթրոպոլիտեն» ՓԲԸ-ի հայտարարած գնումների մրցույթներին և մշաապես «Ֆիրմային անվանում» դաշտում նշել է «Անվանում» դաշտի պարունակությունը, և երբևիցե տվյալ մասով շտկում չի պահանջվել: Ինչպես նախորդ դեպքերում, այնպես էլ ԵՄ-ԳՀԱՊՁԲ-21/101 ծածկագրով գնման գործընթացին մասնակցելով «Էկոմիքս» ՍՊ ընկերությունը «Ֆիրմային անվանում» և «Անվանում» դաշտերում հստակ նշել է պահանջվող տեղեկատվությունը: Սակայն, ԵՄ-ԳՀԱՊՁԲ-21/101 ծածկագրով գնահատող հանձնաժողովի քարտուղարի կողմից 03.08.2021թ-ին պահանջվել է տալ շտկում «Ֆիրմային անվանում» և «Անվանում» դաշտերում նշելով պահանջվող տեղեկատվությունը, որը մեզ համար անհասկանալի է եղել»*

Ինչ վերաբերում է հավելված 1.1-ով 19-րդ չափաբաժնի մասով ներկայակաժ առարկայի տեխնիկական բնութագրում նշված 450 և 560 գրամներին, ապա նշենք, որ շտկման ծանուցման տեքստից որևէ կերպ հասկանալի չէ, թե ինչու՞ պատվիրատուի համար ընդունելի չի եղել մեր կողմից նշված 560 գրամ քաշով մուրճը:

«Էկոմիքս» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու վերաբերյալ հայտնում ենք, որ համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի Ա ենթակետի մասնակիցն ընդգրկվում է գնումների ընթացակարգերին մասնակցելու իրավունք չունեցող անձանց ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է

պարվիրատուի կողմից պայմանագրի միակողմանի լուծմանը կամ գնման գործընթացին փոխալ մասնակցի հետագա մասնակցության դադարեցմանը:

Տվյալ դեպքում գնումների ընթացակարգերին մասնակցելու իրավունք չունեցող անձանց ցուցակում մասնակցին ներառելու համար օրենսդիրը սահմանել է երկու պայման՝

1. եթե խախտել է պայմանագրով նախատեսված պարտավորությունը,
2. եթե խախտել է գնման գործընթացի շրջանակում ստանձնած պարտավորությունը:

Մեր փորձելակում գնմանը մասնակցելու համար ընդամենը ներկայացվել է հայտ, իսկ «Գնումների մասին» ՀՀ օրենքի 2-րդ հոդվածի 1-ին մասի 8-րդ կետի համաձայն՝ հայտը դա հրավերի հիման վրա մասնակցի կողմից ներկայացվող առաջարկն է: Նման պայմաններում, այսինքն փաստացի առաջարկ ներկայացնելն ինքնին չի կարող նույնացվել կնքված պայմանագրի կամ ստանձնած պարտավորության հետ, որի պարագայում բացակայում են նաև «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի Ա ենթակետով նախատեսված երկու պայմանները:

Ընդ որում, երկու դեպքում էլ նշված պայմաններից որևէ մեկի խախտումն ինքնին չի կարող հանգեցնել մասնակցին գնումների ընթացակարգերին մասնակցելու իրավունք չունեցող անձանց ցուցակում ընդգրկելուն, քանի որ ինքնին պայմանի առկայությունը բավարար չէ դրա համար: Դա պայմանավորված է այն հանգամանքով, որ վերը թվարկված պայմաններից որևէ մեկի արդյունքում պետք է դա հանգեցնի՝

1. կամ պարվիրատուի կողմից պայմանագրի միակողմանի լուծմանը,
2. կամ գնման գործընթացին փոխալ մասնակցի հետագա մասնակցության դադարեցմանը:

Այս մասով ևս ցանկանում ենք հայտնել, որ անկախ այն հանգամանքից, որ մեր կողմից ոչ միայն չեն խախտվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի Ա ենթակետով նախատեսված երկու պայմանները, այլ նաև առկա չեն դրանք խախտելու արդյունքում նույն օրենքով նախատեսված հետևանքները, այսինքն դա չի հանգեցրել ոչ պարվիրատուի կողմից պայմանագրի միակողմանի լուծմանը և ոչ էլ գնման գործընթացին փոխալ մասնակցի հետագա մասնակցության դադարեցմանը:

Տվյալ պարագայում, եթե նույնիսկ ենթադրենք, որ մեր կողմից ներկ հայտը չի համապատասխանել մրցույթի հրավերին և տեխնիկական ըն ապա գնման գործընթացը կարգավորող հայձեաժողովե այն «Գնումների մասին» ՀՀ օրենքի և ՀՀ կառավարության 2017 թվականի մայիսի 4-ի հմ.526-Ն որոշմ կետով հաստատված կարգի համաձայն իրավունք չունեղ գնումների ընթացակարգերին մասնակցելու իրավունք չունեցող անձանց

ցուցակում «Էկոմիքս» ՍՊ ընկերությանն ընդգրկելու վերաբերյալ գործընթաց նախաձեռներ, այլ պեյք է ուղղակի հայրը համարեր անբավարար և մերժեր: Մասնավորապես ՀՀ կառավարության 2017 թվականի մայիսի 4-ի հմ.526-Ն որոշման 1-ին կետով հաստատված կարգի 41-րդ կետի համաձայն՝ եթե հայրերի բացման նիստի ընթացքում իրականացված գնահատման արդյունքում մասնակցի հայրում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայրում բացակայում է գնային առաջարկը կամ հայրի ապահովումը, կամ գնային առաջարկը, կամ հայրի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հաևձևա քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Նույն կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայրը գնահատվում է բավարար: Հակառակ դեպքում հայրը գնահատվում է անբավարար և մերժվում է:

Նման պայմաններում ԵՄ-ԳՀԱՊԶԲ-21/101 ծածկագրով գնահատող հանձնաժողովն անտեսելով վերոհիշյալ իրավակարգավորումները «ԿԱՐԵՆ ԴԵՄԻՐՃՅԱՆԻ ԱՆՎԱՆ ԵՐԵՎԱՆԻ ՄԵՏՐՈՊՈԼԻՏԵՆ» ՓԲ ընկերության տնօրենի ժ/պ-ի 10.08.2021թ-ի գրությամբ մեր նկատմամբ նախաձեռնել է գնումների ընթացակարգերին մասնակցելու իրավունք չունեցող անձանց ցուցակում ընդգրկելու գործընթաց: Նման տրամաբանությունից ելնելով ստացվում է, որ գնման գործընթացին մասնակցի կողմից մրցույթի հրավերին և տեխնիկական բնութագրին չհամապատասխանող հայր ներկայացնելու յուրաքանչյուր դեպքում մասնակիցը պարտադիր պեյք է ընդգրկվի գնումների ընթացակարգերին մասնակցելու իրավունք չունեցող անձանց ցուցակում ինչն ուղղակի հակասում է գնման գործընթացը կարգավորող օրենսդրությանը:»:

Հիմք ընդունելով վերոգրյալը՝ Մասնակիցը Բողոքներ քննող անձին խնդրել է մերժել «Էկոմիքս» ՍՊ ընկերությանը գնումների ընթացակարգերին մասնակցելու իրավունք չունեցող անձանց ցուցակում ներառելու ընթացակարգը:

**4. ՍՑ-ԼՕ-2021/209 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. «Կարեն Դեմիրճյանի անվան Երևանի մետրոպոլիտեն» ՓԲԸ-ի (այսուհետ նաև՝ Պատվիրատու) կողմից ապրանքների ձեռքբերման նպատակով 21.07.2021թ.-ին հայտարարվել է «ԵՄ-ԳՀԱՊՁԲ-21/101» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգին մասնակցելու նպատակով մի շարք չափաբաժինների մասով հայտ է ներկայացրել նաև «Էկոմիքս» ՍՊԸ-ն:

iii. Մասնակիցը մասնակցության հայտի թիվ 1 հավելվածով՝ գնման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԵՄ-ԳՀԱՊՁԲ-21/101» ծածկագրով գնման ընթացակարգի հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ:

iv. Ընթացակարգի գնահատող հանձնաժողովի (այսուհետ նաև՝ Հանձնաժողով) 10.08.2021թ.-ի նիստի թիվ 2 արձանագրության համաձայն՝ «Էկոմիքս» ՍՊԸ-ի կողմից ներկայացված Հավելված 1.1-ով ներկայացված չէ մասնակցի կողմից առաջարկվող ապրանքների ֆիրմային անվանման և մակնիշի վերաբերյալ տեղեկատվությունը: Հավելված 1.1-ով 19-րդ չափաբաժնի մասով ներկայացված գնման առարկայի տեխնիկական բնութագրում քաշը նշված է և 450 գրամ և 560 գրամ: Հարկավոր է հստակեցնել:

v. Նույն արձանագրության համաձայն՝ Հանձնաժողովը, ղեկավարվելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետով, որոշել է մեկ (1) աշխատանքային օրով կասեցնել հայտերի գնահատման նիստը և ծանուցել «Էկոմիքս» ՍՊԸ-ին առաջարկելով մինչև կասեցման ժամկետի ավարտը շտկել արձանագրված անհամապատասխանությունները:

vi. Հանձնաժողովի քարտուղարի կողմից 03.08.2021թ.-ին armeps.am համակարգի ոչ ավտոմատ ծանուցման միջոցով անհամապատասխանությունների շտկման վերաբերյալ նույնաբովանդակ ծանուցում է ուղարկվել Մասնակցի [tenders@360shinbaza.am](mailto:tenders@360shinbaza.am) էլ. փոստի հասցեին:

vii. Նույն արձանագրության համաձայն՝ «Էկոմիքս» ՍՊԸ-ի կողմից գնման ընթացակարգի հրավերում նշված էլեկտրոնային հասցեին սահմանված ժամկետում ներկայացվել է Հավելված 1.1-ի նոր տարբերակը, սակայն արձանագրվել են հետևյալ անհամապատասխանությունները դարձյալ չի ներկայացվել մասնակցի կողմից առաջարկվող

ապրանքների ֆիրմային անվանումների և մակնիշների վերաբերյալ տեղեկատվությունը՝ այսինքն չի հասկացվում ինչ մոդելի ապրանք է առաջարկում մասնակիցը, ինչպես նաև 19-րդ չափաբաժնով սահմանված գնման առարկայի տեխնիկական բնութագրում քաշը նշված է 560 գրամ, մինչդեռ հրավերով պահանջվել էր 450 գրամ:

Հանձնաժողովը, հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով սահմանված պահանջները, որոշել է «Էկոմիքս» ՍՊԸ-ի հայտը գնահատել անբավարար և մերժել:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 17.08.2021թ.-ի թիվ 26/26-1/13087-2021 գրությամբ «Էկոմիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է:

4) հրավերով նախատեսված այլ փաստաթղթեր (տեղեկություններ):

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «գ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է ապրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող



ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր):

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Նույն Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

«Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից ապրանքների ձեռքբերման նպատակով 21.07.2021թ.-ին հայտարարված «ԵՄ-ԳՀԱՊՁԲ-21/101» ծածկագրով գնանշման հարցման ընթացակարգի հրավերի (այսուհետ նաև՝ Հրավեր) 8.9-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով

տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հրավերի 8.10-րդ կետի համաձայն՝ եթե սույն հրավերի 8.9-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո, Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, առաջարկվող ապրանքի ամբողջական նկարագիրը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Բողոքներ քննող անձը հարկ է համարում նշել, որ օրենսդիրն իմպերատիվ կերպով սահմանել է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի երբ բացակայում է գնային առաջարկը կամ եթե վերջինս ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Սույն գործի փաստերի համաձայն՝ «Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից ապրանքների ձեռքբերման նպատակով 21.07.2021թ.-ին հայտարարվել է «ԵՄ-ԳՀԱՊՁԲ-21/101» ծածկագրով գնանշման հարցման ընթացակարգի գնահատող հանձնաժողովի 10.08.2021թ.-ի նիստի թիվ 2 արձանագրությամբ արձանագրվել է, որ «Էկոմիքս» ՍՊԸ-ի կողմից ներկայացված Հավելված 1.1-ով ներկայացված չէ մասնակցի կողմից առաջարկվող ապրանքների ֆիրմային անվանման և մակնիշի վերաբերյալ տեղեկատվությունը: Հավելված 1.1-ով 19-րդ չափաբաժնի մասով ներկայացված գնման առարկայի տեխնիկական բնութագրում քաշը նշված է և 450 գրամ և 560 գրամ, ինչով պայմանավորված որոշում է կայացվել մեկ /1/ աշխատանքային օրով կասեցնել հայտերի գնահատման նիստը և ծանուցել «Էկոմիքս» ՍՊԸ-ին առաջարկելով մինչև կասեցման ժամկետի ավարտը շտկել արձանագրված անհամապատասխանությունները, ինչի մասին Հանձնաժողովի քարտուղարի կողմից 03.08.2021թ.-ին armeps.am համակարգի ոչ ավտոմատ ծանուցման միջոցով անհամապատասխանությունների շտկման վերաբերյալ նույնաբովանդակ ծանուցում է ուղարկվել Մասնակցի [tenders@360shinbaza.am](mailto:tenders@360shinbaza.am) էլ. փոստի հասցեին: «Էկոմիքս» ՍՊԸ-ի կողմից գնման ընթացակարգի հրավերում նշված էլեկտրոնային հասցեին սահմանված ժամկետում ներկայացվել է Հավելված 1.1-ի նոր տարբերակը, սակայն արձանագրվել են հետևյալ անհամապատասխանությունները դարձյալ չի ներկայացվել մասնակցի կողմից առաջարկվող ապրանքների ֆիրմային անվանումների և մակնիշների վերաբերյալ տեղեկատվությունը՝ այսինքն չի հասկացվում ինչ մոդելի ապրանք է առաջարկում մասնակիցը, ինչպես նաև 19-րդ չափաբաժնով սահմանված գնման առարկայի տեխնիկական բնութագրում քաշը նշված է 560 գրամ, մինչդեռ հրավերով պահանջվել էր 450 գրամ, ուստի Հանձնաժողովը որոշել է «Էկոմիքս» ՍՊԸ-ի հայտը գնահատել անբավարար և մերժել:

Օրենքի 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Կարգի 32-րդ կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 45-րդ կետի համաձայն՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Նշված իրավանորմերի վերլուծությունից պետք է փաստել, որ օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակից պայմանագիր կնքելուց հրաժարվելը և հայտերը բացելուց հետո գնման գործընթացին հետագա մասնակցությունից հրաժարվելը: Միայն սույն դեպքերում է

հնարավոր մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Բողոքներ քննող անձը փաստում է նաև, որ մասնակիցը պարտավոր է ներկայացնել հրավերով սահմանված պահանջներին համապատասխանող փաստաթղթեր (այսուհետ՝ Փաստաթղթեր): Եվ եթե Փաստաթղթերում արձանագրվում են անհամապատասխանություններ՝ հրավերի պահանջների նկատմամբ, իսկ մասնակիցը սահմանված ժամկետում չի շտկում արձանագրված անհամապատասխանությունները, ապա այդ հանգամանքը համարվում է որպես գնման գործընթացի շրջանակում ստանձնած պարտավորության խախտում: Նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցնում է պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը:

Սույն գործի փաստերի համաձայն՝ «Էկոմիքս» ՍՊԸ-ն մասնակցության հայտի թիվ 1 հավելվածով՝ գնանշման հարցման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԵՄ-ԳՀԱՊԶԲ-21/101» ծածկագրով գնման ընթացակարգի հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ:

Վերոնշյալներով պայմանավորված՝ առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցրել է Պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը, որպիսի պայմաններում Մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում՝ Բողոքներ քննող անձը հանգում է այն եզրակացության, որ «Էկոմիքս» ՍՊԸ-ն Պատվիրատուի կողմից սահմանված ժամանակահատվածում, չշտկելով արձանագրված անհամապատասխանությունները, խախտել է գնման գործընթացի շրջանակում ստանձնած պարտավորությունը, որն էլ

հանգեցրել է գնման գործընթացին տվյալ մասնակցի հետագա մասնակցության դադարեցմանը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

### **Ո Ր Ո Շ Ե Ց**

1. ՀՀ ֆինանսների նախարարության կողմից 17.08.2021թ.-ի թիվ 26/26-1/13087-2021 գրությամբ «Էկոմիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2021/209 ծածկագրով ընթացակարգը բավարարել:

2. «Էկոմիքս» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆԶ՝**



**ԼԵՎՈՆ ՕՎԱՆՅԱՆ**